

# *AMAHEBHERU,*

## *ISAHLUKO SESIBILI<sup>1</sup>*

♪ ...?...bengilapha eklasini futhi ngakholisa i...[Indawo engelalutho ethephini—Mhl.] Futhi manje iBhuku lokuqala lamaHebheru, nguPhawuli, safumana, kumbe siyakholwa. Izazi zenkolo ziphelelw; azazi nje ukubana yikuphi, kumbe ngubani owaLibhalayo. Kodwa, ngiyakholwa, loba ngubani olukudalula kukamoya okuncinyane uzakubona ukuthi kwakunguPhawuli. Ku—kuyakholwa, ngenengi lababhalu, ukuba nguPhawuli. Futhi lokuthi waye...

<sup>2</sup> Esahlukweni 1, sathola ukuthi kwakuyikuphakamisa iNkosi uJesu. O, ukuthi waletha njani phansi, ukutshengisa nge—ngesehlakalo leso ayebe laso endleleni yakhe esiya eDamaseko. Manje, uPhawuli kwakunguye, okokuqala ngakho, isazi senkolo sibili. UPhawuli wayefundiswe ngaphansi kukaGamaliyeli, omunye wabafundisi abakhulu balolosuku. Futhi wayekhaliphile lokuhlakanipha, futhi isifundi seBhayibhili esikhaliphileyo sibili.

<sup>3</sup> Futhi ngathola lokhu, lapho esendleni yakhe esehla eDamaseko, elencwadi esikhwameni sakhe, ukubopha bonke ababesedleleni yeVangeli elidala elibusisiweyo, futhi lindoda yayiphelele. Kodwa, nighlezi ngikholwa lokho kusukela uPhawuli ebona uStefani esifa, ngiyacabanga ukuthi kwamthinta. Lapho evumela ukufa kukaStefani, futhi wabamba amabhathi alabo ababemkhandu ngamatshe, khona-ke uPhawuli wabalecalu ngegazi lika Stefani. Futhi wavuma, futhi wathi, “Angifanelanga ngitsho,” wathi, “ngoba ngichithihe igazi loWakhe—loWakhe owafela ukholo, uStefani.” Ngoba, wakufakazela.

<sup>4</sup> Futhi nxa ufakazela ulutho, ulecalu nje njengokuba ungumhlanganyeli wakho. Ngakho nxa singafakaza, sithi, “O, yebo, kade kungamelanga benze lokhu, lokhu *okunje-lo-kunje*,” nanzelela okukhulumayo, ngoba ulecalu ngendlela ukwahlulela kwakho okuhamba ngakho. Nxa ungenelisi ukwenza isinqumo, ungakhulumi lutho, kutshiye nje kunjalo. Khona-ke lapho ufakaza ukuthi ungumKhristu, khona-ke ulecalu. Bona? Ulecalu lokuba ngumKhristu, futhi kumele uphile kulokho. Futhi nxa uNkulunkulu esenza i—isithembiso eBhayibhilini... Ngibona indoda lapha esihlalwenu esilamasondo. Lapho uNkulunkulu esenza isithembiso, Ulecalu ngaleso sithembiso ngaphandle kokuthi Asigcwalise. Yena, uNkulunkulu ulecalu lapho Esenza isithembiso. Futhi iMibhalo

ilecalala ize Igcwaliiseke. Bona? I—Ikhona khonalapho njenge—njengesitsho lesu uNkulunkulu asenzileyo. Futhi Kufanele kugcwaliiseke kungenjalo uNkulunkulu ulecalala. Bona?

<sup>5</sup> Futhi-ke uPhawuli, engumfundisi, futhi esiza endleleni yakhe esiya eDamaseko ngalolosuku, phose, ngesikhathi semini, ngyiyakholwa. Kwaba lokukhanya okukhulu okwakhanyayo kuphuma emaZulwini, futhi Kwampuphuthekisa, futhi wawela emhlabathini. Futhi wathi wayefuna ukubakwazi ukuthi Lowo kwakungubani. Wathi iLizwi lakhulum, futhi lathi, “Sawuli, Sawuli, uNgihluphelani?” Ngyiyakholwa yisahluko 8 seMisebenzi.

Futhi wathi, “Ngubani Lowo engimhluphayo?”

<sup>6</sup> Futhi iLizwi laphenduka, lathi, “NginguJesu.” O! “NginguJesu, futhi kunzima kuwe ukukhahlela izincijo.” Futhi wayeyini-ke uJesu? UJesu, WayeyikuKhanya, ukuKhanya nje okukhulu kukhazimula.

<sup>7</sup> Manje ukusikhuthaza lokuthola isisekelo lapha. WayeyikuKhanya kanjani, lapho Yena enguMuntu? Manje, akula oyedwa...

Kwakule xuku lamasotsha kanye loPhawuli, abalindi bethempeli, besiya besebla ukuyabopha. UPhawuli waye ngukaputheni omkhulu. Futhi babesiya besebla ukuyabopha labo abantu, ngemikhankaso yabo lokunjalo, lokwethembala lenkolo yabo elalihlala ngaphakathi kwabo.

<sup>8</sup> Kodwa, manje, nango lapha uJesu njengokuKhanya okukhulu. Manje, nxaxa likhumbula, ekuqaleni, UJesu wayeyikuKhanya. UJesu wayeyi Logos eyaphuma kuNkulunkulu. Futhi Wayeyi...Wayeyi Ngilosy yesiVumelwano eyakhokhela abantwana bakoIsrayeli bedlula enkangala. Futhi WayeyiNsika yoMlilo leyo abakhangela kiyo. Futhi Waye...Futhi lapho Esase lapha emhlabeni, Wathi, “Ngavela kuNkulunkulu, futhi Ngiyabuyuela kuNkulunkulu.” Ngakho nxaxa Wavela eNsikeni yoMlilo, engena eMuntwini, khona-ke nxaxa Wabuyuela lapho Ayekhona, Wabuyuela ekuKhanyeni njalo. Futhi nango Elapho lapho uPhawuli Embona, WayeyikuKhanya.

<sup>9</sup> Manje, wonke amabutho lawo ayeloPhawuli awabonanga ukuKhanya. Khona-ke kuyenzeka na ukuthi omunye engaKubona futhi abanye bengaKuboni? Ngempela. Kulungile. Yena, uPhawuli, waKubona, kodwa abanye babo bonke abakubonanga ukuKhanya.

<sup>10</sup> Manje, lapho uPhetro esentolongweni, siyathola ukuthi ukuKhanya lokhu kwangena entolongweni, kwavula iminyango. Futhi wayeyi...Lokho kuKhanya kwaphumputheskisa abalindi bonke, lapho bephuma, uPhetro ehamba. Futhi lapho esefike emnyango, wavuleka wodwa, kuthule, wavaleka ngemuva kwakhe. Kusukusela entolongweni engaphakathi, waya emnyango wangaphandle. Wavuleka ngokwawo wodwa,

wavaleka uthule. Futhi-ke wasesiya esikhali, waphuma waya esitaladeni sedolobho. Futhi wahlikihla amehlo akhe, sengathi uthi, “Bengiphupha na?” Akazange abekwazi lokho okwenzakalayo. Kodwa, iNgilosi yeNkosi, iNgilosi efanayo eyaye iyiNsika yoMlilo eyahambisa uMose elwandle futhi yalwendlala, o, futhi uLwandle oluFileyo... uLwandle oluBomvu lwenza imiduli nhlangothi zombili, futhi uIsrayeli wedlula.

<sup>11</sup> Futhi lapho befika kuJordani oluhubayo, akazange AZibonakalise khonale. Kodwa Wayekhona lapho, ngoba Wayivula. Futhi bachapha ngaphetsheya ngoMabasa, lapho amagceke egcwele ngamanzi. Futhi Wamisa intwasa, futhi Wamisa ungqoqwane ekuncibilikeni, ngoba aluzange lube ngumduli oya phezulu laphezulu; Iwama nje. Lowo nguJehova wethu. Leyo yiNkosi yethu uJesu. Lwama nje; futhi bachapha phezu komhlabathi owomileyo.

<sup>12</sup> Manje, uNkulunkulu wathembisa ukuthi Wayezabanakekela, ngakho Wayebotshelwe esithembisweni Sakhe. Manje, uPhawuli, esazi ngalezizinto, futhi ezazi, waba lethuba, ngoba uNkulunkulu wayekhuluma eqondane loPhawuli. Wayengakhulumi lamasotsha ayekanye laye. Wayekhuluma kuPhawuli kuphela.

<sup>13</sup> Manje, lapho i—lapho iNgilosi yeNkosi isehla phansi, esimweni senkanyezi; labakhangeli benkanyezi, izazi zaseIndiya, lapho, zibona leyoNkanyezi futhi baYilandela okwamamayila angamakhulu. Futhi Yedlula yonke indawo yokukhangela okusemkhathini, ngoba babegcina isikhathi ngezinkanyezi. Futhi akula owabona leyoNkanyezi kuperha izazi. O, minabo! Akulithokozisi lokho na?

<sup>14</sup> Khona-ke, liyabona, uNkulunkulu akasebenzi lezinhlanganiso. Akasebenzi lamaqembu abantu. Usebenza lomuntu ngamunye. UyaZambula emuntwini ngamunye. Futhi manje—manje ukuthi lokhu, hatshi lokhu... uNkulunkulu uyayazi inhliziyo yami. Futhi angikutsho lokhu ngikuqondanisa lami, udumo lomuntu; manje, ukuba lapho nje. Kodwa, belisazi na, lowoNkulunkulu ofanayo, lowoJesu ofanayo, ukanye lathi lokhu kusa? Liyakwazi na, munye lamunye wenu ulobuncane, ubufakazi ngokwakhe bakho khona khathesi, ukuthi Ulapha? Futhi u... Usenzele olunye ulutho kulolusuku Angalwenzanga kwezinye insuku; Waba loMfanekiso Wakhe uthethwe kulolusuku. Silawo uyalenga khona *laphana*. Bona? INsika yoMlilo, iNkosi uJesu ofanayo.

<sup>15</sup> Khangelani ukuthi Usebenza njani manje. Nxa EyiNkosi uJesu ofanayo, Uzakwenza izinto ezifanayo, ngoba iBhayibhili lathi, “Ungofanayo izolo, lamuhla, lanininini.”

<sup>16</sup> Manje, uPhawuli engakamemezeli lutho, loba lokhu kwakuqondile kumbe kungaqondanga, waqala waya phansi

eGibhithe futhi wahlala iminyaka emithathu, ukufumana ukuthi kwakungokoMbhalo kumbe hatshi. Lake labakwazi lokho na? Emva kokuguqulwa kukaPhawuli, waya eGibhithe okweminyaka emithathu. Lapho wahlala, futhi kulapho afundela khona linhlakaniphо enkulу.

<sup>17</sup> Manje, hatshi ukuzifananisa lakancane, ngilipha nje ukuthi uMoya oNgcwele ulokhu engofanayo. Manje, ibandla lami lapha liyakhumbula, iminyaka edluleyo, lapho liNgilosи ibonakala futhi itshengisa izinto. Ngangithandabuza kancinyane Ngakho. Lonke liyakwazi lokho, lina abangabakudala. Nxa unga . . . Nxa lokho kuqondile, phakamisa isandla sakho, lapho uzwile. Yebo. Khangela, khangela ibandla, lakhathesi, kwabangabakudala. Bona? Ngangithandabuza, ngoba abatshumayeli bangitshela ukuthi kwaKungokuka develi. Futhi ngangathi ngiyakukholwa, kodwa ngalinda. Kangitshongo lutho mayelana Ngakho.

<sup>18</sup> Kodwa, o, malibusiswe iBizo leNkosi! Ngobunye ubusuku, phetsheya, Wehla phansi, iNgilosи, futhi Wakwembula eMibhalweni, ukuthi kwakuNguye. Futhi lapho ngiKubona eMibhalweni, khona-ke ukukhalimela umhlaba wonke Ngakho, uMbiko.

<sup>19</sup> Kusukela lapho kuhambe uOral Roberts, A. A. Allen, Tommy Osborn, Tommy Hicks, labanye abanengi. Bona? NguMbiko ebantwini.

<sup>20</sup> Futhi uJesu ungofanayo izolo, lamuhla, lanininini. Unjalo ngokoMbhalo, Ungofanayo. Wenza okufanayo. Ungofanayo. Futhi Usebenza ngokufanayo. UyaZibonakalisa ngokufanayo. Futhi Ulapha, lokhu kusa, ngokufanayo. Manje singaMbona; singehluleka. Loba yini okuyikho, silobufakazi khona khathesi ukuthi Ulapha.

<sup>21</sup> Manje, siyafumana ukuthi, uPhawuli, phezu kwalesi sehlakalo, lekubhaleni incwadi lezi, inengi lazo, esentolongweni, wayeqathanise iThestamente eliDala leliTsha. Manje khumbula, umbhali wokucina waleliBhayibhili, ngokuphefumulelwа, uNkulunkulu wehla phansi futhi wamtshela, “Loba ngubani ozakwengeza ulutho Kukho kumbe aphungule ulutho Kilo, ofanayo uzakukhutshwa phandle kwengxenyе yeBhuku lokuPhila, ngaye.” Ngakho singeke sazama ukwengeza into eyodwa Kilo. O, Kumele lihlale njegoba Linjalo, akumelanga kube lolutho olungezelelwе Kilo. Futhi kumele silwele into yonke engaphakathi Kwalo. Angifuni okunye okwengeziweyo, futhi angifuni okuphungliweyo. Ngifuna lokho eLikutshoyo.

<sup>22</sup> Manje, iBhuku leli lamaHebheru, isizatho ngiLikhethile; injongo eyodwa, into eyodwa; lincwadi, “Mfowethu Branham othandekayo,” lokunjalo. Futhi, ngi—ngi, sifuna ukuhlala kanye leLizwi.

<sup>23</sup> Manje, isahluko 1, kwakuyikuphakanyiswa kukaJesu, ngakho Nguye Omkhulu wakhona. Futhi uPhawuli wasazisa,

ngobunye ubusuku, ukuthi Wayesekuqaleni okukhulu. Futhi safumana ukuthi Wayengasilutho olungaphansi kuka “Melikhizedeki, iNkosi yaseSalema,” oMkhulu wesahluko sesi 7.

<sup>24</sup> Futhi manje, lokhu kusa, siyaMsondelela ngokunye—ngokunye ukuma, kusukela esahlukweni sesi 2. Manje, ngemva uPhawuli esinika lowu omkhulu, uMbiko omangalisayo, wokuphakamisa uJesu, “Futhi wenza iNgilosí ukuthi ziMkhonze.” Futhi ngiyacabanga, ngalapha, njengomhlaba, usumdala okunganani: “Futhi Uzawugoqa njengesembatho, kodwa bazabhubha, kodwa Wena uyasala.”

<sup>25</sup> Futhi ngale esahlukweni sesi 2, kumbe, indima yesi 2, ngiyakhola kuyiyo, “Ukhulumile Yena kulezinsuku kithi ngeNdodana Yakhe.” Futhi, khangelani, “Ngezikathathi zendulo lendlela eztshiyeneyo Wakhulumá ngaba profethi.” Sadlula ngaphakathi futhi safumana lokho abaprofethi ababeyikho, lokuthi uNkulunkulu waletha kanjani uMbiko Wakhe ngabaprofethi. “Kodwa kulolusu lokucina Ukhulume ngeNdodana Yakhe, uJesu, ngoMoya oNgewe. Wakhulumá ngabaprofethi, lesosikhathi.” Khona-ke sabuyela ngemuva futhi safumana, bonke labo baprofethi babeloMoya kaKhristu kibo.

<sup>26</sup> Sabuyela emuva kuJosefa futhi safumana ukuthi wayefanekisa uKhristu ngokupheleleyo. Sabuyela kuMose futhi safumana ukuthi wafanekisa uKhristu ngokupheleleyo. Futhi sehla phansi lakuDavida. Futhi lapho uDavida elahliwe eJerusalem, engakwazi ukuthi ngani, kodwa wakhwela phezulu entabení futhi wakhanglelā ngemuva eNtabeni yeOliveti, futhi wakhalela iJerusalem ngoba wayelahliwe. Iminyaka engamakhulu ayisificaminwembili kusukela lapho, iNdodana kaDavida yalahlwa njengeNkosi, eJerusalem, futhi yahlala entabení efanayo futhi yakhala. O, uMoya kaKhristu, usebenza labantu ngamunye!

<sup>27</sup> Manje, uPhawuli uqala, ukuthi:

*Ngakho-ke kufanele siqaphelisise izinto esizizwileyo, . . .*

<sup>28</sup> Isahluko sesi 2, manje, sesiqala.

*Ngakho-ke kufanele siqaphelisise izinto esizizwileyo, hlezimhlawumbe ziphunyuke.*

<sup>29</sup> O, makuthi uNkulunkulu akubethele kungene kuleli thabhanekeli lokhu kusa. Ngiyakhuleka ukuthi uMoya oNgewe. uzakutshonisa lokho kujule kangako enhliziyweni zenu. “Kufanele siqaphelisise ezintweni esizizwileyo.” Luhlobo bani lwabantu okumele sibeyilo, lapho sibona uJehova omkhulu esehla phansi futhi esenza izinto Azenzayo, futhi sizibone ziqathaniswa, uMbhalo ngoMbhalo, ukuthi ziliQiniso? Futhi siyahlala ngezinye izikhathi njengensumpa esigodweni, futhi nje singelandaba. Sifanele sibe siphitsheka, ngawo wonke umzuzu, sizama ukuletha abantu kuKhristu. Kufanele sibe ngamatshe

aphilayo. Akufanelanga ukuthi sibe ngabavilaphayo njenga lokho esiyikho. Siyahamba ebandleni, futhi sibone iNkosi uJesu isenza olunye ulutho, kumbe—kumbe isibusise ngendlela ethile, futhi—ke siya—siyabuyela phandle futhi sithi, “Umhlangano omuhle sibili.”

<sup>30</sup> Manje, ukutshunyayelwa kweLizwi, siyakukholisa, kodwa akusiyonto enkulu. Kayisiyo. Akumelanga sikhonze iNkosi ngemva nje sesidlule ekutshumayelweni kweLizwi, njengalokho esivame ukukwenza, ukuMkhonza nje. Kuyamangalisa lokhu. Kodwa kufuze siMkhonze ihola lonke lempilo yethu. Lapho sisemsebenzini, kufanele siMkhonze. Isikhathi sonke ithuba lisibakhona, khonza iNkosi ngokufakaza Ngaye.

Nxa libona, abanye benu lina makhosikazi, ubone umfazi esebebini, khonza iNkosi ngokumthatha futhi usithi, “Dade, kulempilo engcono kulaleyi.”

<sup>31</sup> Lina madoda emsebenzini yenu, lapho usizwa umuntu esebezisa iBizo leNkosi ngeze, thatha ithuba ohlangothini olulodwa futhi unyelele, futhi umthathe ngesandla, futhi uthi, “Wena, kulempilo engcono kulalokhu. Akumelanga usebezise lawo mazwi.” Futhi umtshele ngendlela echumileyo, ethambileyo. Zonke izinto lezo yikukhonza.

Futhi lapho sibona omunye umuntu egula, futhi udokotela ethi akusela okunye okungenziwa, kufanele sikhonze iNkosi ngokubatshela, “KuloNkulunkulu weZulwini ophendula umkhuleko.”

<sup>32</sup> Futhi—ke lapho sibona izinto lezo zisenzakala, lezo esizibonayo zisenzakala futhi zisenziwa, akumelanga siyekele lezi zinto ziphunyuke. Siyakutshiya nje kusedlula eminweni yethu. Yiyo indaba ngebandla lePentekhosti elikhulu lamuhla. Bayekele okuhle kwakhona kuphunyuka eminweni yabo, lapho bebelakho ezandleni zabo. Kodwa, khangela lokho abakwenzileyo, benze njengamanye amabandla wonke. “Bagijimile enzuzweni—...ngendlela kaKhora, futhi babhubha; lendlela kaKhayini, futhi babhubha ekuphikiseni kukaKhora.”

<sup>33</sup> Bahlele inhlanganiso. Kulokuthi babe lobuzalwane lapho sonke esingaba munye khona, bazihlele inhlanganiso. Benza izinhlangano ezincinyane lezijobelelo, futhi bavuka kusukela lapho futhi bephula ubuzalwane. Futhi nxa lingakhangeli, amaBaptisti lamaPresbyterian bazakuthatha, ngoba, “UNKulunkulu uyenelisa ngamatshe lawa ukuvusa abantwana kuAbrahama.” Futhi siku—sikuyekele kwaphunyuka ezandleni ngokungabambani.

<sup>34</sup> Ama Indiya alahlekelwa njani yilelilizwe emuntwini omhlophe? Kungenxa yokuthi babengabambananga. Uba babenze impi eyodwa enkulu ebambeneyo... Kodwa babesilwa omunye phakathi komunye. Babengabe bebambe indawo yabo nxa babengabe bebuye ndawonye bonke.

<sup>35</sup> Sizakulahlekelwa yikho kanjani? Ngoba kasibambangan. Indlela esilahlekelwa yisehlakalo sethu loNkulunkulu, kungenxa yokuthi kasibambani. Sibeka eyodwa, sibize *leyi i*—iMethodisti, *laleyi i*Baptisti, *laleyi i*Assemblies, *laleyi i*Oneness, *laleyi enye into ethile*, futhi le-church of God, futhi leNazarene, iPilgrim Holiness. Sehlukanisa uMzimba kaKhristu. Akumelanga sehlukane. Singehlukana embonweni, kodwa masibe ngabazalwane nhliziyo ngenhliziyo. UNkulunkulu ufuna sibenjalo. Wafela iBandla lonke likaNkulunkulu. Futhi kasifuni ukuthi sehlukane.

*Manje kufanele siqaphelisise ngamandla izinto esiziwileyo, . . . hlezi mhlawumbe ziphunyuke.*

*Ngoba uba ilizwi elakhulunywa zingilosilaqiniseka, . . .*

<sup>36</sup> LiyaKuzwa na? “Uba ilizwi elakhulunywa zingilosil . . .” Manje, *ingilosil* yisi “thunywa.” Ibalu *ingilosil* litsho “isithunywa.” Futhi sedlule kukho, ebhukwini 1 lapha, “UNkulunkulu, ezikhathini zasendulo langendlela ezehlukeneyo, wakhulumu kubobaba ngabaprofethi.” Lezo kwakuyizithunywa zikaNkulunkulu. Futhi babeyi, nxu babeyizithunywa zikaNkulunkulu, babezingilosizikaNkulunkulu. Isithunywa yingilosil; kumbe ingilosil yisithunywa, bengisitsho.

<sup>37</sup> Isithunywa! Uyisithunywa, lokhu kusa. Uyi . . . Uyisithunywa sendaba ezinhle kumbe isithunywa sendaba ezimbi. O, akukuhle na, ukwazi ukuthi singabameli, ukuthi sizingilosil, izithunywa zovuko? Futhi siyizithunywa zikaNkulunkulu emhlabeni ogcwele isono, ukuthi uKhristu uyaphila. Enhliziyweni zethu, Uyaphila. Emoyeni yethu, Uyaphila. Futhi Usisusa empilweni ephansi yamanyala yesono, futhi asiphakamisele phezulu, futhi asinike u “haleluya” emphefumulweni yethu, futhi asenze izidalwa ezintsha. Siyizithunywa, ingilosil zesiVumelwano. Kumangalisa okunganani!

<sup>38</sup> Futhi manje, kuThestamente eliDala, “Nxu—nxu ilizwi elakhulunywa zingilosilaqiniseka,” ngaleyo ndlela kwakufanele kuqonde. KuThestamente eliDala, ngaphambi kokuba ilizwi lomprofethi libonakaliswe, kwakufanele lihlolwe lokufakazelwa. Babengaxegi ngalo, njengalokho esiyikho lamuhla.

<sup>39</sup> Uphume phandle nje futhi ube lohlobo luphi lwamadlabuzane, kumbe olunye ulutho, “O, udumo kuNkulunkulu, yikho lokho!” Liphambanisekile.

IBhayibhili latsho, ukuthi, “Ngensuku zokucina, udevili uzalingisela isiKhristu, asondele kangako, kuze kukhohlise bona Abakhethiweyo nxu kusenzeka.” Kunjalo. Ngakho, kumele sikuhlole.

<sup>40</sup> Futhi bakuhlola njani ngosuku lwabo? KuUrimi Thumimi. Isambatho sesifuba sikaAroni, esasilamatshe lawo phakathi kwayo: carbuncle, ijaspi, indayimani, irubi, isafire. Wonke lawo matshe, lawo amela ukuzalwa kwabokhokho laba abalitshumi lambili, ayesesambathweni sesifuba sikaAroni. Futhi lapho umprofethi eprofetha, futhi lokho kuKhanya okungcwеле kwabaneka phezu kwakho, uNkulunkulu wathi, “Lelo liQiniso.” Kodwa, kungenani lokuthi kwakukhangaleka kuqiniseke okunganani, nxa kungabanekanga kulokho, kwakungayisilo iQiniso. Ngakho, leyo Urimi Thumimi yahamba lalobo bupristi.

<sup>41</sup> Kodwa leliBhayibhili yiUrimi Thumimi kaNkulukulu lamuhla. Futhi lapho umprofethi eprofetha, kumele kubaneke impela leBhayibhili. Khona-ke, uNkulunkulu uthi, khona-ke Uyehla phansi futhi akufakaze.

<sup>42</sup> O, ngingamdumisa okunganani uNkulunkulu lamuhla! Ngicabanga emuva ngenye iSonto ekuseni, phose njengaleyi, lapho ngisuka ethabhanekeli. Futhi lina bantu lalikhala futhi lingicela ukuthi ngingahambi. Kodwa, lapho, ngitshumayele ngoDavida loGoliyathi, lokuthi lizakhangelana njani lalowo oqandayo, umhlaba ongelandaba lowo othi insuku zezimanga sezadlula.

<sup>43</sup> Ngathi, “Kulesiqhwaga esisodwa esikhulu, futhi masinyane lapho singasibulala, abanye bonke bazakuba lesibindi.” Futhi iNkosi yakupha lokho. Futhi-ke kwakukhona uOral Roberts loJaggers, lokunjalo, bahwatsha iNkemba, futhi salwisa isitha sasikhupha elizweni, savala imilomo yabo. Kabangeke batsho ukuthi izimanga kazenzakali, ngoba nanzi lapha. Sibili. iLizwi likaNkulunkulu lilaPhakade. Labaneka kuUrimi. Labaneka eLizwini, leyo yiUrimi Thumimi Yakhe. Futhi lapho kubaneka kuLokho, kwakuliqiniso.

Futhi kuloba ngubani olesidingo, nxa uyisoni, ufunu ukuba kwazi ukuthi ungasindiswa njani, “Kholwa eNkosini uJesu Khristu.”

<sup>44</sup> Lamuhla, silezinto ezinengi okufanele uzenze. “Kufanele uvule amapheji amatsha. Kufanele wenze *lokhu* futhi wenze *lokho*, ukuze usindiswe.”

Ngicabanga ngomlindi wentolongo yaseFiliphi, lapho lumlindi wentolongo ebuza uPhawuli, “Kumele ngenzeni ukuze ngisindiswe?”

Ngabe kwaku nguwe kumbe mina, sasingabe samtshela izinto ayengafanelanga ukuthi azenze. “Kumele utshiye ukunatha. Kumele utshiye ukutshova amakhasi kwakho—kwakho. Kumele utshiye *lokhu*. Kumele utshiye *lokho*.”

UPhawuli kazange amtshela lokho. Wamtshela izinto *okumele* azenze. “Kholwa eNkosini uJesu Khristu, futhi uzasindiswa.”

<sup>45</sup> Manje, “Lowo ozwa aMazwi Ami futhi akholwe Kulowo Ongithumileyo uleMpilo engapheliyo.” Leyo yiUrimi Thumimi ibaneka, uJohane oNgcwele 5:24. “NgiyiNkosi esilisa izifo zakho zonke.” UJakhobe 5:14, “Biza abadala, babagcobe ngamafutha, umkhuleko wokholo uzasindisa abagulayo.” IURimi ibaneka. Bona? Lelo yiLizwi likaNkukunkulu elilaPhakade.

<sup>46</sup> Angila ndaba ukuthi bangaki abaphika ukuthi uNkulunkulu ukhona, abangakhelwayo, osolayo, abathandabuzi bevuka. UNkulunkulu uzakuma ngeLizwi Lakhe. Wathembisa ukuthi Uzakwenza.

<sup>47</sup> “Futhi kumele siqaphelisise kulezizinto esizizwileyo, hlezimhlawumbe loba yisiphi isikhathi siziyekele ziphunyuke. Ngoba nxa ilizwi elakhulunywa zingilosи (abaprofethi) laqiniseka . . .” Baqiniseka na? Singaqeda iviki kulokhu.

<sup>48</sup> Laqiniseka na lapho uMose ekhulumu? Ngeqiniso labanjalo.

Uthini ngoElija, ehlezi phezu kwentaba? INkosi yamtshela, “Fika lapho, Elija. Ngizakuhlala lawe khonale; ngifuna ubudlelwano.” UNkulunkulu uthanda ukubalobudlelwano labantu Bakhe. Kodwa kasiyikuma isikhathi eside okweneleyo ukuze Adlelane lathi. Siphathekile kakhlulu siqolotsha sisiyale lale, indawo ngendawo, lokunengi nengi. “Hlala uthule, Elija.” Wayefuna iminyaka emithathu lenyanga eziyisithupha zobudlelwano. Thina kasenelisi ukuMnika imizuzu emithathu, kalutshwane. Iminyaka emithathu lenyanga eziyisithupha zobudlelwano njalonjalo. O, ngiyakhuthanda lokho! Wathi, “Ungakhathazeki ngokupheka; sizakulungisia lokho. Amawabayi azakunika ukudla. Futhi yonke into iyakulunga. Ngifuna ubudlelwano nje.” Lumprofethi omdala, uElija, ehlezi lapho phezu kwentaba, lapho elobudlelwano loNkulunkulu, ngani, ukaputheni wathi, “Ngiyakholwa ngizakhwela futhi ngiyemthatha.” Manje, ungaZami ukwephula ubudlelwano lobo.

<sup>49</sup> Ngakho, ukaputheni wenyuka, lebutho lakhe elikhulu lamadoda, amatshumi amahlanu. Futhi wathi, “Ngi—ngi—ngibuye ukuzokuthatha, Elija.”

<sup>50</sup> Futhi uElija wasukuma. Khangelani, nangu umprofethi weNkosi! Wathi, “Nxa ngiyinceku yeNkosi, makuthi umlilo ubuye uvela ezulwini futhi uliqothule.” Futhi wehla phansi umlilo. Ukaputheni wathi . . .

<sup>51</sup> “O, uyazi ukuthini?” Inkosi, mhlawumbe, yathi, “Lokho mhlawumbe kwakuyi—kwakuyikuduma kombane, umbane nje usedlula, futhi wabatshaya. Ngizathumela abanye abangamatshumi amahlanu.”

<sup>52</sup> UElija waphakama, omunye wengilosи, ilizwi lakhe liyaqiniseka. Kwakumele nje abe yikuphindisela ngokufaneleyo okwento yonke eyenziwa kubi. Wathi, “Nxa ngiyinceku yeNkosi, makuthi umlilo ubuye.” Futhi abangamatshumi amahlanu besibili batsha. Kulungile. Ukuphindisela konke!

*Ngoba uba ilizwi elakhulunywa zingilosи laqiniseka, futhi isiphambeko sonke futhi labangalaleliyo bemukela ukuphindisela ngokufaneleyo . . .*

<sup>53</sup> Manje, nanso into enkuIu, indima elandelayo.

*Sizakuphepha kanjani, . . .*

<sup>54</sup> “Sizakuphepha kanjani?” Nxa ilizwi lika Elija laletha incithakalo, ngoba wayeyingilosи yeNkosi, sizaphepha kanjani lapho iLizwi lika Khristu likhuluma? Kumbe, singehluleka kanjani lapho ukhulekelwa, nxa KuyiLizwi likaKhristu? Nxa uKhristu wagcoba iBandla Lakhe ukukhulekela abagulayo, futhi iBandla lenze lokho Akukhulumayo Yena . . . ukuthi bona bakwenze, khona-ke KungehluIeka kanjani? Akungeke. Wena ungehluleka, kodwa Khona akungeke kwehluleke. Futhi ingqe kuphela uLigcina, Likuthwala indlela yonke.

<sup>55</sup> Nxa ungehluleka, wehluleke ngokwakho. Uyasuka nje eLizwini. Kodwa ingqe kuphela uhlala leLizwi, Lingeke lehluleke. Ngoba ilizwi labaprofethi lenza *okunje-lo-kunje*, kanganani iLizwi likaKhristu eliyakuba yikho?

*Sizakuphepha kanjani, uba sidelela usindiso olungaka; lolo olusekuqaleni lwaqala ukukhulunywa kithi yiNkosi, lwaqiniswa kithi yilabo abamuzwayo;*

<sup>56</sup> Cabanga Ngakho, kwakhulunywa yiNkosi. Singabuyela emuva kangaki na? Singama ngaphi, khona lapha okweholo na? Lapho uJesu ebuya, Ungofanayo izolo, lamuhla, lanininini.

<sup>57</sup> Manje, khumbulani, kwaqala ukukhulunywa nguJesu, Ngokwakhe, futhi-ke kwaqiniswa yilabo Abamuzwayo. Manje Mlaleleni.

<sup>58</sup> Lapho Ebuya emhlabeni, Kazitshongo ukuba ngumsilisi. Wathi, “AyiSimi engenza imisebenzi; nguBaba Wami ohlala Kimi. Uyenza imisebenzi. INdodana ayenzi lutho Ngokwayo, kodwa lokho Ebona uBaba ekwenza,” uJohane oNgeweIe 5:19.

<sup>59</sup> Khangela lapho uFiliphi esiza Kuye. Nathaniyeli . . . Ngemva kokuphenduka kukaFiliphi, wahamba wayathatha uNathaniyeli. Wathi, “Woza, ubone Lowo esimfumeneyo: uJesu waseNazaretha, iNdodana kaJosefa.”

<sup>60</sup> Futhi wathi, “Kungaba lento enhle ephuma eNazaretha?”

<sup>61</sup> Wathi, “Woza, ubone.” Yiyo indlela yokuba usuthiseke: kufakaze. Buya ubone. O, yikho okukhulu engake ngakuzwa. Woza uzozifumanelo wedwa. Ungami phandle futhi uchothoze emzileni oseceleni, kodwa, “Fakaza izinto zonke, futhi ubambelele kulokho okuhle.” Woza futhi ubone.

<sup>62</sup> Endleleni bahamba, bekhuluma. Lapho esiza eBukhoneni beNkosi uJesu, Wathi, “Khangelani umIsrayeli okungela nkohliso kuye.”

<sup>63</sup> Kwasusa isikhumba sonke kuye, phose. Wathalaza lapho, wathi, “Awu, Rabi, Ungaze nini? Awukaze ungibone. Ungazi Kanjani?” uFiliphi wathi . . .

<sup>64</sup> “Ngaphambili, lapho ebiza . . .” Wathi, “UFiliphi engakakubizi, izolo, lapho uphansi kwesihlahla somkhiwa, Ngakubona.” Ameni.

<sup>65</sup> Wathi, “Wena uyiNdodana kaNkulunkulu. UyiNkosi kaIsrayeli.”

<sup>66</sup> Umfazi weza eBukhoneni Bakhe, futhi Wathi, “Hamba, uyethatha indoda yakho.”

Wathi, “Angila.”

<sup>67</sup> Wathi, “Kunjalo. Ulabahlanu, laleyo ophila layo kayisiyo yakho. Ukhulume iqiniso.” Kucabange.

<sup>68</sup> Wathi, “Mnumzana, ngiyabona ukuthi Wena ungumProfethi. Lokho, siyakwazi ukuthi lapho uMesiya esiza Uzasitshela izinto zonke.”

<sup>69</sup> Wathi, “NgiNguye, okhuluma kuwe.”

<sup>70</sup> Futhi wagijima futhi watshela abantu bedolobho, “Wozani, libone iNdoda Engitshele konke engakwenzayo. Kayisuye lowo uMesiya na?” Kwakhulunywa yiNkosi.

<sup>71</sup> Kwenzakalani? uJesu wathi, Engakasuki, “Izinto eNgizenzayo, lizazenza lani.” Kunjalo na? “Izinto eNgizenzayo lizazenza lani, lezinengi ezedlula lokhu, ngoba NgiyakuBaba.” O, ngiyababona behamba, ndawo zonke. Makho 16, “Bahamba indawo zonke, betshumayela; iNkosi isebenza labo, iqinisa iLizwi.”

Futhi lapha, uPhawuli, esipha into efanayo. Watsho ukuthi i—iVangeli laqala ukutshunyayelwa nguJesu, futhi laqinisawa kithi yilabo Abamuzwayo. Yilo iLitshe lesiSekelo. O, malibusiswe iBizo leNkosi! Yilo iLitshe lesiSekelo.

<sup>72</sup> Futhi ukucabanga, iminyaka ezinkulungwane ezimbili sezedlule. Abangakholwayo baphakamile, abalandula ukholo, labathandabuzayo, labasolayo. Kodwa, lamuhla, lowoJesu ofanayo uqinisa iLizwi Lakhe ngendlela efanayo ngalabo Abamuzwayo. “Muzwensi Yena,” akutsho ukuzwa nje intshumayelo. Lokho kutsho, muzwensi Yena. Yebo.

<sup>73</sup> Sizakuphepha kanjani? Kungaphi ukuphepha kwethu? O, uthi, “Kabusiswe uNkulunkulu, ngingowebandla leMethodisti. NgingumPresbyterian. NgingumPhentekhostali.” Lokho akula ngitsho okokwenza Ngakho. Futhi uhambe emzileni osecelemi futhi ufune ukuKubiza “okwamadlozi, kumbe ukubamba imicabango, kumbe udeveli othile,” kumbe enye into. Usizi kibo!

<sup>74</sup> “Nxa ilizwi lonke laqiniseka ngezingilos . . .” UJesu wathi, “Akusikho . . . Isikhatshana, futhi umhlaba awusoze uNgibone njalo. Kukanti, lizaNgibona, ngoba Ngizakuba lani, loba kini,

kuze kube sekupheleni kwasikhathi.” Futhi lapho simbona Esehla phansi, ukuqhubeka ukuqinisa iLizwi Lakhe, thina sizakuphewha kanjani nxa thina sisekela elinye ibandla, kumbe enye inhlanganiso, kumbe inhlanganiso yesonto, kumbe okunye okungumbono wethu? Kungcono uzikhulule. “Ngoba isono sonke saphindiselwa ngokufaneleyo ngaphansi kwengilos, kanganani lapho iNdodana kaNkulunkulu ikhuluma isemaZulwini, ukubonakalisa iLizwi Lakhe! Sizakuphewha kanjani, uba sidelela usindiso olukhulu olungaka?” O, minabo! “UNkulunkulu laye . . .”

indima yesi 4:

*UNKulunkulu laye ebaFakazela, . . .*

<sup>75</sup> Khangela lokhu. INKosi yafakaza. O, ngiyathokoza kangako ngalokho! INKosi yafakaza.

<sup>76</sup> Khangela. Lapho uElija ehlezi entaben, futhi wathi, “Nxa ngingumuntu kaNkulunkulu, makuthi umlilo ubuye uvela eZulwini futhi uliqothule.” UNkulunkulu wafakaza ukuthi wayengumuntu kaNkulunkulu.

UNkulunkulu uhlezi efakaza. Impilo yakho izafakaza. Angikwazi ukuthi buyini ubufakazi bakho, kodwa impilo yakho ikhuluma kakhulu, ilizwi lakho alizwakali. Kodwa, uku—ukuphila kwakho, impilo yakho yansuku zonke izafakaza oyikho. UNkulunkulu uyafakaza. Yebo. UMoya oNgcwele uluphawu, futhi uphawu luthatha nhlangothi zombili zephewha. Bayakubona umile *lapha* futhi bakubone uhamba. Hatshi kuhphela ebandleni kodwa emsebenzini wansuku zonke. Ubekwe uphawu nhlangothi zombili, ngaphakathi langaphandle. Ngentokozo olayo, futhi langempilo oyiphilayo, ubekwe uphawu, ngaphakathi langaphandle, ukuthi uyakwazi ukuthi usindisiwe futhi lomhlaba uyakwazi ukuthi usindisiwe, ngempilo oyiphilayo, ngoba uNkulunkulu uyafakaza. Libusiswe iBizo Lakhe eliNgcwele! Minabo, ngizwa ngikholekile!

<sup>77</sup> Kucabangeni, bazalwane, lapho. O! “Izimvu zami ziyalizwa iLizwi Lami, futhi owemzini kazimlandeli.” O, ukuthi amabizo ethu asempameni yezandla Zakhe! Kuphambi Kwakhe, imini lobusuku. ILizwi lakhe lihlezi liphambi Kwakhe, isiThembiso Sakhe. Angeke asikhohlwe. Futhi Uyakuthanda.

<sup>78</sup> Manje, Uzafakazela abangaBakhe uQobo. Awuvuli umlomo wakho futhi ukhulume ilizwi, umhlaba uzakuba kwazi enye into yenzakele kuwe.

...efakaza, konke ngezibonakaliso lezimanga,  
langemisebenzi yamandla eyizinhlobonhlobo, lezipho  
zikaMoya oNgcwele, ngokwentando yakhe uqobo?

<sup>79</sup> Asithatheni uMbhalo owodwa nje manje singakavali; ngoSuku IwePhentekhosti, lapho besemukela uMoya oNgcwele. Phose ngemva kwamalanga amane, uPhetro wayedlule

esangweni elithiwa eLihle, yena loJohane. Bathi, "Khangela kithi," emuntwini. Futhi wathi, "Isiliva legolide angila, kodwa lokho engilakho ngizakukunika. EBizweni lika Jesu Khristu waseNazaretha, sukuma futhi uhambe." Futhi indoda yakhangela phezulu futhi ayizange ibuze lutho ngakho. Wasukuma nje waqala ukuhamba. Babengabantu abangakwaziyo futhi bengafundanga. Kodwa iBhayibhili lathi, "Kwakumele babaqaphele, ngoba bakwazi ukuthi babeloJesu."

<sup>80</sup> Mfowethu, lapho umhlaba usazi ukuthi ubukade uloJesu, lapho ungaphila impilo engagcolanga kulumhlaba wakhathesi lakulobu bonyama, ukuthi umhlaba uyakwazi futhi uyabona ukuthi ubuloJesu, lapho esimangelengele, isifebe esidala esingcolileyo sesitalada singaba yinkosikazi, sigezwe eGazini leWundlu, UNkulunkulu uyafakaza ukuthi Uyaphila.

<sup>81</sup> Thatha isidakwa, esiphansi sibili esizulazula kumkaso, esiphatha kubi abantwabaso, futhi sithathe ukudla etafuleni, ukuyanika iwule. Makuthi sibe loJesu kanye, Uzambona ephenduka, njengo Legion, owayesese ngqondweni yakhe eqondileyo futhi egqokisiwe, ezinganeni zakhe lakumkakhe lakwabathendekayo bakhe. Impela.

<sup>82</sup> Isikhathi esedluleyo, phose iminyaka engamatshumi amane edluleyo, lapho inkolo zomhlaba zahlangana, futhi labehlukeneyo basukuma futhi bakhulum. Futhi umMohamedi wakhulumela inkolo kaMohamedi. AmaJain bakhulumela amaJain; umBhuda amaBhuda. Futhi lapho udokotela omncinyane, ngiyakhohlwa ukuthi isibongo sakhe sasingubani, khona ngalesi sikhathi nje, bengilazi ibizo lakhe, kodwa sengilikoholiwe, wakhulumuka umhlambi wamabhiza amane. Futhi wakhulumuka indaba kaNkosikazi Maccabee waseOklahoma, eMelika.

Wayeziphethe kubi futhi ephansi-phansi, kwaze kwathi lapho besiyambulala, babengeke babeke izandla zabo kuye, wayengcolile futhi esenyanyeka. Bambopha etheswe icala: ukubhema isigazu; etshayela inqola yamabhiza; futhi wephula i—i—imithetho, amarekhodi eOklahoma, lapho esedlula esitaladini, etshayela umhlambi wamabhiza amane. Futhi wayesenyaneka futhi engcolile sibili kwaze kwathi umphakathi wawungasenelisi ukufika ngitsho lapho ayekhona; kangako, kwaze kwathi labo babulali sebesiyambulala, abenelisanga ukumlengisa. Bathululela nje ithara lensiba phezu kwakhe, ukumbulala.

Futhi lapho lumtshumayeli omncinyane esipha indaba yakhe, ngendlela enjalo, waze wenza abantu bahlale ekucineni kwezihlalo zabo, belalele ukubana kuyini okwakuzalandela. Lapho efika phansi kulokho: esenyanyeka sibili, engcolile, ephansi-phansi kwaze kwathi imithetho yayingesafuni kudlalela kuye, wayephansi sibili. Yena kanye udeveli

wesihogweni wayezayala umuntu onjalo, phose, indlela akhuluma ngayo indaba. Wasesithi-ke, “Madoda amnene ezinkolo zomhlaba, ngabe inkolo zenu zilolutho olungahlanza izandla zikaNkosikazi Maccabee na?”

<sup>83</sup> Umuntu wonke wahlala wathula. Waseqakeza izandla zakhe, futhi weqela phezulu emoyeni. Wathi, “Dumo kuNkulunkulu! iGazi lika Jesu Khristu alingeke lihlanze izandla zakhe kuphela, kodwa Lizahlanza inhliziyo yakhe futhi limenze abengu Mlobokazi Wakhe.” Ngiyalitshela:

Umusa omangalisayo! umsindo omnandi  
kangaka,  
Owasindisa isihlupheki njengami!  
Ngangilahlekile, kodwa manje sengitholakele,  
Ngangiyisiphofu, kodwa manje sengibona.  
  
Ngumusa owafundisa inhliziyo yami  
ukwesaba,  
Kwakungumusa owakhulula ukwesaba  
kwami;  
Wabonakala uligugu kanganani lowo musa  
Ngehola ngiqala ukukholwa!

<sup>84</sup> Impela. “Sizakuphepha kanjani, nxa sidelela okunje?” Ungadelela ukudla, uzakufa. Ungadelela ukuthatha ikhona, uusatshayeleta. Ungadelela ukusenga inkomo, izawoma. Ungadelela amazinyo akho, kuzafanele ukuthi uwakhuphise wonke. Impela. Uyabhadalela ukudelela kwakho.

<sup>85</sup> O Branham Thabanekeli lani lina zethekeli, makuthi ngilitshele enye into khathesi. Ungadelela ukufakaza ngenkazimulo kaNkulunkulu, ungadelela ukunika uNkulunkulu udumo lenkazimulo, uzazithola usuqanda, upholile, futhi usuhlehlele emuva, ezinye zalezinsuku. Nikeza uNkulunkulu udumo. “Sizakuphepha kanjani, nxa sidelela usindiso olungaka?”

<sup>86</sup> Akusela sikhathi. Kwenzakale ukuthi nje nginanzelele uMfowethu Thom, obehamba phakathi ngemuva lapho. Sizavala futhi sizaqhube ka ngalokhu lobubusuku, iNkosi ithanda.

Asikhulekeni okwesikhathshana nje.

<sup>87</sup> Baba wethu oseZulwini, Kuwe makube izibusiso, lendumiso, lenhlonipho, lenkazimulo, lenhlakanipho, lobukhulu, lamandla, kuze kuge ninilanini. O, kuleloWundlu elahlala esiHhalweni sobukhos, ubukhos, lemibuso layo yonke into yanikwa esandleni Sakhe. Lapho Evuka kwabafileyo, ekulungisisweni kwethu, Waklabalala emhlabeni, “Amandla wonke eZulwini lasemhlabeni anikwe esandleni Sami. Hambani lina, ngakho-ke, emhlabeni wonke futhi litshumayele iVangeli.”

O Wundlu elithandekayo elifayo, iGazi Lakho  
eliligu

Kalisoze lalahlekelwa ngamandla Alo,  
 Kuzekuthi lonke iBandla likaNkulunkulu  
 elihlengiweyo  
 Lisindiswe, lingabe lisona njalo.

<sup>88</sup> Sisize, njengabatshumayeli, ukubona ukuthi sifuna okunengi; ukuthi kumele sibe lebandla kanjani, kumele sibe *lalokhu*, kumele sibe lakho konke.

<sup>89</sup> Abesifazana bethu, bengakayi ebandleni, kunjalo bezibiza ngokuthi ngamaKhristu, kuzamele babe lohlobo oluthile lwasigqoko, kumbe bagqoke bacece kakhulu.

Futhi abatshumayeli kuzamele babelemali enengi kangaka bengakabuyi, futhi into zonke kumele zibe *yikuthi-lo-kuthi*.

<sup>90</sup> O Khristu, lapho ngibala lapha, ukuthi “bazulazula, begqoke izigogo zemu lezigogo zembazi, behlala emigodini yomhlaba, lasemabhalwini, bazulazula, ngaphansi kokuzingelwa okunzima, futhi, kunjalo, bathola uKholo,” ngaphansi kwenkonzo yengilosy, thina sizakuphepha kanjani, lapho iNkosi uJesu isinike amakhaya amahle, lezimota, leziqqoko, lokudla futhi siyanyunyutha, sihlala phansi, singamavila, kasizami ukuphuma futhi senze enye into ngakho, sizakuphepha kanjani, Nkulunkulu na?

<sup>91</sup> O, ngiyakhuleka ukuthi Uzavuthisa ukukholwa kwendlela yakudala kuyo yonke inhlizyo, kulokhu kusa, Nkosi, ukuthi abantu baphakame futhi bekikho. Kasisebenzeni lapho ukukhanya kwemini kusakhanya, ngoba ilanga liyatshona ngokuphangisa. Futhi impucuko iyahamba, futhi kuzabe sokungasela sikhathi. Kuzahlanganyela lelaPhakade.

<sup>92</sup> O Nkulunkulu, siphe lamuhla ukuthi sihambe ngombono omutsha, lenhlakanipho, lokuzwisisa, ukubakwazi ukuthi silande njani izoni futhi sizilethe kuKhristu. Zwana umkhuleko wenceku Yakho, Nkosi.

<sup>93</sup> Ngiyacela, nxa kukhona omunye lapha, lowo ongamaziyo uKhristu njengoMsindisi wabo, ungaphakamisa isandla sakho futhi uthi, “Ungikhumbule, Mfowethu Branham”? Ungaphakamisa isandla sakho nje, uthi, “Ungikhumbule. Ngifuna ukuba ngumKhristu. Angisangifuni ukukudelela njalo”? UNkulunkulu akubusise, emuva lapho, mnumzana. Omunye njalo? Othi, “Ngifuna ukuphakamisa isandla sami, Mfowethu Branham. Futhi ngifuna ukwamukela uKhristu, njengoMsindisi wami, ngadelela, sonke isikhathi. O, ngiyahamba ebandleni, sibili, ngingowasebandleni.”



*AMAHEBHERU, ISAHLUKO SESIBILI ! NDE57-0825M*  
(Hebrews, Chapter Two <sup>1</sup>)

UKULANDELANA KWENTSHUMAYELO YEBHUKU LAMAHEBHERU

LuMbiko ngo Mfowethu William Marrion Branham, watshunyayelwa okokuqala ngeSilungu ngeSonto ekuseni, Newabakazi 25, 1957, eBranham Thabhanekeli eJeffersonville, Indiana, U.S.A., wathathwa kusuka kuthephu warekhodwa lokudindwa ngeSilungu kungela kuphungulwa. Ukuchasisa lokhu ngesiNdebele seNyakatho kwadindwa lokwabelwa ngabe Voice of God Recordings.

NDEBELE

©2022 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE  
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Isaziso ngelungelo lokwenza**

Amalungelo wonke agodliwe. Leli ibhuku lingadindwa ngomtshina wokudinda owangekhaya ngokuzisebenzisela, kumbe ukwabela, kungela mbadal, njengesikhali sokusabalalisa iVangeli lika Jesu Khristu. Leli ibhuku alingeke lathengiswa, kumbe landiswe ngesimo esikhulu, lisakazwe kuwebhusayithi, ligcinwe endaweni lapho elingaphinda litholakale, lichasiswe ngezinye izilimi, kumbe lisetshenziswe ekucele ni izimali kungela mvumo elotshiweyo ngabe Voice Of God Recordings®.

Ukuze uthole ulwazi olunengi kumbe ezinye izinto ezikhona ezelusizo, siyacela thinthaba:

**VOICE OF GOD RECORDINGS, ZIMBABWE OFFICE  
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)**